

輯是書目。錄而存之。願我同學諸君。珠玉珍之。冰淵凜之。

鑄廬尺牘

襄武呂冠雄

覆何舜卿壬戌九月

東鶴山沙坪鑄強學編發
人非草木鳥獸。食宿而外。有求利心。求名心。求樂心。最高尚者。亦不能自居廢人。而有爲國家社會稍盡一分義務。服勞作事以報之之心。若人而但爲食宿計。則社會無進化。個人亦枯寂無味。生我何爲。足下到澳。高之不必爲社會服務。爲個人求名。下之亦不盡爲求利來。大抵久伏生厭。自然生一種作事心。偷一帆風順。又可酬我求樂之夙願。故不惜勞其身而收心之娛。役于暫而圖享用之久。此常人超人難逃之公慾。足下不自解者。雄不妨代作解人也。勞莫勞于教學。而此中要有樂事存。雄但恨地小而僻。事業無發展之希望。遂欲改圖。非畏教學之勞也。憾勞多而効少耳。心之所樂。雖勞不避。故百忙中又有月刊之發行。自問果何爲乎。自取勞。則亦不能自解。誠有如足下今日之於澳事者。然而南環晚步。海風送秋。夫又何勞之。不消。

致鍾榮光十一年二月

此因伯哀兄紹介。得參觀 貴校。并謁 先生。諸承 開示。聲曠振發。先生謂吾人辦事。宜有信仰。方不至隨俗而靡。思之思之。是誠然。先生辦事人也。有信仰則方針堅定。立而不撓。若夫學者審理。則必用疑。惟疑而後真理出。惟疑而後啓發新。故學者每爲天下先。愚以爲信爲辦事之軌。疑爲審理之衡。辦事人與學者。處地不同。應物遂異。未可以一概例也。先生又謂方今世俗習著。正如狂潮之不可遏。必振興實業。提高生計。以適應之。救時不在崇儉也。雖以爲好貪喪德。皆由奢來。縱極力將生計提高一步。而奢慾已達第二步。恐終無適應之日。故提高生計。爲積極之救時。而提示儉樸。亦未常非消極之救濟。合積極消極而互用。或將得適應之結果歟。貴校規模宏廓。設備完美。南中國誠首屈一指。然而廿年締造。備淬精神。食果溯因。不能徒羨人也。雖鄉僻小儒。亦常盡力于教育事業。縱經艱阻。此志未灰願。先生一言以振起之。

覆楊敏達已未四月

北京學生。今茲軒然起大波。少豪有書來。頗疑 足下或將捲入旋渦中。雖以平日所以信 足下者告少豪。固決其不至自罹于網。今讀 來書。則罵曹一劇。 足下